

SINDIKAT UNIVERZITETA U SARAJEVU

Na osnovu člana 46 Zakona o udruženjima i fondacijama („Službeni glasnik Bosne i Hercegovine“, broj 32/01, 42/03 i 63/08) i člana 39. Statuta udruženja Sindikat Univerziteta u Sarajevu“, Centralni odbor na sjednici održanoj dana 07.03.2013. god. donosi:

P R A V I L N I K O FINANSIRANJU I KORIŠĆENJU SREDSTAVA U SINDIKATU

I-OPŠTE ODREDBE

Član 1.

Ovim Pravilnikom se bliže uređuje način sticanja, raspodjele, raspolaganja i korištenja sredstava članarine i drugih prihoda u sindikatu univerziteta (donacije, dobrovoljni prihodi i dr.).

Član 2.

Finansijsko-materijalno poslovanje u Sindikatu Univerziteta u Sarajevu (SUNSA) vrši se u skladu sa pozitivnim propisima o finansijskom poslovanju, platnom prometu i propisima iz oblasti bankarstva i ovim pravilnikom. Djelatnost organa Sindikata finansira se iz sredstava članarine i drugih prihoda.

Član 3.

Osnovna načela finansijsko-materijalnog poslovanja su: samostalno finansiranje, namjenska i racionalna upotreba sredstava, solidarnost i uzajamnost, kontrola sredstava i imovine od organa određenih za vršenje nadzora, udruživanje sredstava za dogovorene aktivnosti i neotuđivost sindikalne imovine.

II- NAČIN PLAĆANJA ČLANARINE

Član 4.

Osnovni izvor sredstava za finansiranje aktivnosti Sindikalne organizacije čine sredstva članarine.

Visina, stope i osnovica članarine utvrđen je Statutom Sindikata.

Članarina se obračunava i plaća iz neto plaće člana Sindikata.

Rukovodilac ekonomske službe visokoškolske ustanove putem računovodstva dužan je omogućiti uplatu članarine na račun Sindikata.

Član 5.

Od plaćanja članarine oslobođeni su:

- članovi Sindikata za vrijeme sudjelovanja na kursovima, školovanju i daljoj specijalizaciji, ako za to vrijeme ne ostvaruje naknadnu, plaću ili drugi prihod;
- privremeno nezaposleni članovi bez ikakvog primanja.

Član 6.

Članarina iznosi 0,50 % od neto plaće, a od toga se:

- uplaćuje 30% u korist Sindikata Univerziteta u Sarajevu;
- odnosno 70% u korist sindikalne organizacije visokoškolske ustanove (sindikalna organizacija).

III – NAČIN RASPODJELE ČLANARINE I DRUGIH PRIHODA

Član 7.

Članarina i drugi prihodi služe za finansiranje rada Centralnog odbora SUNSA, Sindikalne organizacije i svih organa, kao i zajedničkih aktivnosti sa drugim sindikalnim organizacijama.

Član 8.

Centralni odbor raspolaže sa pripadajućom sindikalnom članarinom i koju usmjerava za:

- rad Centralnog odbora SUNSA i
- kao sredstva rezervi i za štrajkački fond.

Sindikalna organizacija visokoškolske ustanove raspolaže sa pripadajućoj sindikalnoj članarini i koja usmjerava u tri neovisna fonda za:

- rad sindikalne organizacije u iznosu od 10%;
- za novčanu i drugu pomoć članstvu u iznosu od 40% i
- kao sredstva rezerve i za štrajkački fond u iznosu od 50%.

Nije dopušteno prebacivanje sredstava iz jednog u drugi fond, izuzev u posebnim slučajevima koje procjenjuje rukovodstvo sindikalne organizacije. U slučaju takve situacije, potrebno je da se donese odluka u kojoj će biti naveden krajnji rok vraćanja posuđenih sredstava.

Član 9.

Centralni odbor SUNSA i odbor Sindikalne organizacije visokoškolske institucije dužan je donijeti Plan prihoda i rashoda za svaku kalendarsku godinu, te najmanje jedanput u pola godine informirati članstvo o upotrebi sindikalnih sredstava.

Član 10.

Članarina i drugi prihodi kojima raspolaže Centralni odbor SUNSA mogu se koristiti za:

- troškove održavanja sastanaka Centralnog odbora, Skupštine, organa, komisija;
- za informisanje i stručnu literaturu (pretplata dnevne štampe, sindikalnih novina i dr.);
- za putne troškove i dnevnice za službena putovanja u funkciji Centralnog odbora SUNSA;
- za materijalne troškove i stalna sredstva;
- za ostale potrebe u skladu sa ostvarivanjem aktivnosti utvrđenim programskim dokumentima Sindikata Univerziteta u Sarajevu;
- za promocije Sindikata Univerziteta u Sarajevu,
- za ostale potrebe u skladu sa programskim ciljevima sindikata,
- za pripreme i odvijanje štrajka,
- angažovanje pravne pomoći za rad SUNSA ili članova SUNSA.

Član 11.

Odbor Sindikalne organizacije visokoškolske institucije pored ostalog raspolaže i sredstvima za pokriće sljedećih rashoda:

- funkcionalnih i drugih izdataka vezanih za osnovnu djelatnost Sindikalne organizacije;
- za jednokratnu materijalnu ili finansijsku pomoć članovima Sindikata u skladu sa posebnom odlukom;
- ostale vidove pomoći članovima sindikata u cilju zadovoljavanja zajedničkih potreba o čemu Odbor donosi posebnu odluku.

O upotrebi novčanih sredstava iz stava 1. ovog člana odlučuje Odbor Sindikalne organizacije, a tu odluku provodi predsjednik Odbora.

Predsjednik Sindikalnog odbora visokoškolske organizacije je dužan voditi i čuvati finansijska dokumenta koja sadrže Odluku o upotrebi finansijskih sredstava, račune, potvrde i druge dokumente vezane za određene uplate i isplate. Kopija svake finansijske odluke se dostavlja centralnom odboru Sindikata Univerziteta u Sarajevo u smislu obavještanja.

Član 12.

Centralni odbor Sindikata Univerziteta u Sarajevu imenuje Ovlašteno lice za vođenje finansijsko-materijalnog poslovanja.

Odbor Sindikalne organizacije visokoškolske institucije imenuje ovlašteno lice za vođenje finansijsko-materijalnog poslovanja.

Lice koje će opsluživati vođenje kompletne finansijske dokumentacije SUNSA biće imenovano Odlukom Centralnog odbora Sindikata Univerziteta u Sarajevu.

Član 13.

Kontrolu stanja i vođenja ispravnosti finansijsko-materijalnog poslovanja vrši Nadzorni odbor Sindikata Univerziteta u Sarajevu.

Kontrolu vrši najmanje jednom godišnje, a po zahtjevu predsjednika i češće.

Član 14.

O finansijskom poslovanju u toku godine Centralni odbor je dužan donijeti i usvojiti Izvještaj o finansijskom poslovanju, o čemu je dužan na odgovarajući način upoznati sindikalno članstvo, a jedan primjerak tog izvještaja dostaviti Skupštini sindikata na uvid najdalje do kraja februara naredne godine.

Član 15.

Sredstva se deponuju na žiro-račun Sindikata Univerziteta u Sarajevu, odnosno sindikalne organizacije i koriste u skladu sa ovim pravilnikom.

IV-ZAVRŠNE ODREDBE

Član 16.

Za sve što nije regulisano ovim pravilnikom, primjenjivat će se zakonski propisi.

Član 17.

Izmjene i dopune ovog Pravilnika donosi Centralni odbor.

Član 18.

Ovaj Pravilnik stupa na snagu danom donošenja i primjenjivat će se odmah.

Predsjednik Centralnog odbora Sindikata Univerziteta u Sarajevu

Prof. dr. Berko Zečević